



07 JUL, 2021

FAMA sedia bantu pekebun, peraih

Kosmo, Malaysia

Page 1 of 2



PEKEBUN dan peraih yang mempunyai masalah menjual raja buah boleh memasarkannya di GBBS yang terdapat di seluruh Johor.

FAMA sedia bantu pekebun, peraih

Oleh SHARKAWI LONDING

JOHOR BAHRU – Lembaga Pemasaran Pertanian Persekutuan (FAMA) Negeri Johor menyediakan ruang pasaran kepada pekebun dan peraih untuk menjual durian sekali gus mengelakkan lambakan raja buah ekoran Perintah Kawalan Pergerakan Diperketatkan (PKPD) di Lembah Klang.

Pengarahnya, Shahrizan Sudiman berkata, pekebun dan peraih boleh memasarkan jualan buah mereka di 25 buah Gerai Buah-buahan Segar (GBBS) di seluruh negeri Johor.

“Selain itu, FAMA Johor turut menyediakan lima Pasar Segar Terkawal (PST) yang ada di Johor Bahru, Permas Jaya, Endau di Mersing serta Bukit Gambir, Pagoh,” katanya ketika dihubungi *Kosmo!* semalam.

Shahrizan berkata, pihaknya juga menyediakan pusat memproses durian di Pusat Operasi FAMA Tangkak yang boleh me-



KERATAN *Kosmo!* kelmarin.

nerima bekalan sehingga dua tan metrik secara harian.

Katanya, FAMA telah membuka bilik gerakan yang berfungsi untuk mengeluarkan surat kebenaran pergerakan keluar daerah atau negeri kepada peraih dan pekebun untuk mendapatkan atau memasarkan bekalan.

Kata Shahrizan, harga durian ditentukan mengikut pasaran terbuka yang bergantung kepada permintaan dan penawaran.

“Trend harga durian di Johor ikut harga semasa, hari bekerja harga murah berbanding Jumaat hingga Ahad kerana permintaan banyak semasa orang ramai cuti bekerja,” katanya.



07 JUL, 2021

FAMA sedia bantu pekebun, peraih

Kosmo, Malaysia

Page 2 of 2

SUMMARIES

PEKEBUN dan peraih yang mempunyai masalah menjual raja buah boleh memasarkannya di CBBS yang terdapat di seluruh Johor.

JOHOR BAHRU - Lembaga Pemasaran Pertanian Persekutuan (FAMA) Negeri Johor menyediakan ruang pasaran kepada pekebun dan peraih untuk menjual durian sekali gus mengelakkan lambakan raja buah ekoran Perintah Kawalan Pergerakan Diperketatkan (PKPD) di Lembah Klang.